



## AVISU PÙBLICU “PRIMI PASSI”

MANIFESTADA DE INTERESSAMENTU PO CUSSUS IMBORDIGAUS IN SU FINANTZIAMENTU

Su Responsàbili de su Setori Sotziali e Istruzioni Pùblica

FAIT SCIRI

### Art. 1 - Ogetu de s’avisu

Est apariciu unu avisu pùblicu regionali po agatai is suetus interessaus a su finantziamentu numenau in s’Avisu Pùblicu Regionali “*Primi Passi*” - Determinazioni 5 de Gennàrgiu 2021m n. 3, de sa Direzioni Generali de is Políticas Sotzialis - Servìtziu Políticas po sa famìllia e sa inclusioni sotziali de sa Regioni Sardìnnia.

Su finantziamentu tenit sa tarea de afortiai is servìtzius sòtziu-educadoris po sa prima pipialla (0-3 annus), atruessu de unu scrucullu nou intreu de s’ofèrrida, cumpria atruessu sa re-progetazioni de is servìtzius de apoderamentu a sa famìllia, chi pertocant a sa impostazioni de programis de didàtica de a tesu, cun sa tarea de agiudai a is babus e mamas e puru a is pipius.

Cun custa tarea ant agatau custas interbènnidas:

- Interbènnida n. 3 - “Agiudus a sa famìllia, cun sa riformulazioni de is servìtzius apustis de s’emergèntzia COVID-19 (0-3 annus)”, cun sa tarea crara de apoderai sa ativazioni de servìtzius po sa primu pipialla agiudendi a sa progetazioni noa de is logus, is ativadas de apariciadura, su scrucullu de is caminus e s’aconciadura de is servìtzius chi funt bènnius arrechèdius apustis de s’emergèntzia;
- Interbènnida n. 8 - “Agiudu a pompiai is struturas po sa pipialla me is comunus aundi is servìtzius funt stètius adannaus de s’emergèntzia COVID-19”, cun sa tarea crara de apoderai a is struturas chi, apustis de s’emergèntzia, eapant dèpiu fai sa aconciadura de s’ofèrrida cun sa crescidura sighidora de is gastus de gestioni cosa sua.

### Art. 2 - Benefitziàriu e suetus imbordigaus in su finantziamentu

Is benefitziàrius de s’avisu regionali funt is comunus e is unionis de is comunus de sa Regioni Sardìnnia aundi ddoi funt struturas po sa pipialla pùblicas e privadas, cunventzionadas e nono, chi siant autorizadas a su funzionamentu cumentu est pediu in sa normativa vigenti e chi apant amostau s’interessamentu e amostint is requisitus arrechèdius po arriciri su finantziamentu.

Su tanti intreu eventualmenti donau est spratziu intre is struturas numenadas giai. Est permìtia sa partecipazioni po parti de su pròpiu poderiu benefitziàriu po ambas duas is linias de interbènnida.

### **Art. 3 - Arricidoris finalis de is interbènnidas**

Arricidoris finalis de is interbènnidas chi si depint finantziai funt is pipius e is pipias de edadi imbordigada (0-3 annus) po s'intrada a is servìtzios po sa primu pipialla e is famillias insoru.

### **Art. 4 - Descrizzioni de s'interbènnida n. 3**

Sa arresoni specìfica de s'interbènnida n. 3 est cussa de agiudai a s'ativatzioni de servìtzios po sa primu pipialla agiudendi a sa progetatzioni noa de is logus, is atividadis de programatzioni, su scrucullu de is caminus e s'aconciadura de is servìtzios chi s'est fatu arrechèdiu apustis de s'emergèntzia COVID-19.

Su finanziamentu est apariciu po progetai e pompiai is servìtzios educativus de apoderamentu a sa famiglia, chi funt sa impostatzioni de programmas a didàtica de a tesu, cun sa tarea calincuna borta puru a s'apoderamentu de babus e mamas e a su melloramentu de is servìtzios educativus a profetu de is pipius 0-3 annus.

Unus esèmprius pràticus podint èssiri:

- 1) vido cunferènzias apitzus de is maneras de donai sa tita a is pipius;
- 2) agiudus pedagògicus;
- 3) seminàrius apitzus de sa funtzioni educadora de su giogu intre babus e mamas e fillus;
- 4) atividadi de imbordigamentu de su pipiu de a tesu, puru atruessu de contus interativus;
- 5) atividadis de programatzioni e rivisitatzioni de is caminus apustis de sa oberridura insoru.

Una atenzioni particolari depit èssiri donada a is pipius malisanus chi ant a depi arriciri servìtzios chi ndi permitant sa interatzioni cun is fedalis insoru. In su càstiu de sa re-apariciadura de is logus, de is atividadis de programatzioni sighidoras e aconciadura de is caminus, de is apretus, si fait arrechèdiu assegurai chi su personali, imbordigau a su cumintzu me is atividadis faci a faci e in s'agiudu, siat pompiau a traballai.

### **Art. 5 - Agiudu arreconnotu po s'interbènnida n. 3**

S'agiudu econòmicu arreconntu po apariciu s'interbènnida n. 3 est de € 35,00 a su mesi po dònna pipiu iscritu me is strukturas a sa dii de publicatzioni de s'avisu regionali. Is nius chi ant a assegurai de donai su tanti de su 10% a is pipius malisanus ant a arriciri unu bonus de € 1.000,00.

### **Art. 6 - Tempus de cumpridura po s'interbènnida n. 3**

Po s'interbènnida n. 3 su finanziamentu est arreconnotu po unu màssimu de ùndixi mesis, e de dònna manera finsas a s'acabu de su dinai, cumintzendi de sa dii de su 1<sup>u</sup> de friàrgiu 2020.

### **Art. 7 - Documentatzioni po arriciri su finanziamentu po s'interbènnida n. 3**

Is sugetus interessaus a custu finanziamentu de s'interbènnida n. 3 podint presentai dimanda a su Comunu de Sinnia prenendi su mòlliu de Dimanda (Alliòngiu 1) e sa manifestada de interessamentu chi ddoi est in s'**Alliòngiu 1 A - DIMANDA DE FINANZIAMENTU INTERBÈNNIDA 3**: in

su ricuadru 1 ant a depi ponni sa denominazioni sceti de sa strutura mentras ant a depi èssiri prenu beni is ricuadru n 2, n 3, n 4, aciungendi, in prus, custa documentazioni in furmau PDF:

- alliongiu 2A, cunforma a sa modulistica regionali, cumpriu e firmau in dònna parti sua;
- còpia de sa carta de identidadi de su rapresentanti legali de sa strutura;
- còpia de sa autorizazioni a su funzionamentu de sa strutura;

Sa documentazioni depit èssiri entregada anca s'Ufitziu Amministrativu - Sotziali de su Comunu de Sinnia aintru e no apustis de is oras 13.00 de sa dii **1 de Abrili 2021** imperendi s'indiriztu de curreu eletronicu certificau [protocollo@pec.comune.sinnai.ca.it](mailto:protocollo@pec.comune.sinnai.ca.it)

S'ogetu de sa comunicazioni depit amostai custa scita: "*Manifestazione d'interesse per la partecipazione all'avviso regionale 'Primi Passi' - Intervento 3*".

### **Art. 8 - Descrizioni de s'interbènnida n. 8**

Sa tarea specifìca de s'interbènnida n. 8 est cussa de apoderai a is struturas chi, apustis de s'emergèntzia, apant dèpiu torrai a apariciai totu sa ofèrrida, ocasionendi unu amanniamentu de is gastus cosa insoru. Su finanziamentu bolit agiudai po sa crobetura de is gastus de gestioni numenaus.

Su finanziamentu bolit agiudai a pagai custos gastus de gestioni numenaus.

Is gastus chi pertocant a su finanziamentu depint èssiri:

- *eligibilis*, est a nai tentus in su tempus cumintzendi de sa dii de sa serrada de sa strutura po su lockdown - e dònna manera no ainnantis de su 1<sup>u</sup> de friàrgiu 2020 - e po totu cussu annu;
- *legitimus*, est a nai cunforma a sa normativa regionali, nazzionali e comunitària vigenti;
- *efetivus*, e intzaras chi currispundint a pagamentus fatus diaderus e chi pertocant a s'interbènnida, de manera dereta o carculendi pro-rata; no funt amitius gastus a forfait;
- *documentabilis*, est a nai giustificaus de faturas quitentzadas o documentus contàbilis cun valori probatòriu ecuivalenti e cun arrastrabilidadi bancària;
- *contabilizaus*, est nai chi si podint agaai in is registratzionis contàbilis fatas po cussu chi pertocat sa gestioni de s'interbènnida.

In manera prus specifìca, funt cunsideraus amitibilis is gastus in contu gestioni chi pertocant a s'ativazioni o a sa sighidura de servìtzios po sa primu pipialla e a crobetura de una parti de is gastus de gestioni detallaus innoi asuta:

- gastus de su personali educadori, est a nai is gastus chi pertocant a su cumpensu de is educadoris e de su personali ausiliàriu, cumprèndius is gastus alliongiaus intre is calis "*oneri riflessi*", assicurazioni, contributus, chi podint èssiri amitius sceti si su personali est a cuntratu o si est unu "*servizio esternalizzato*"
- gastus de su materiali lùdicu-didàticu, de manera no prus manna de su 10% de s'agiudu entregau;
- gastus de formatzioni e adelantamentu professionali de su personali educativu imbordigau, de manera no prus manna de su 10% de s'agiudu entregau;
- altrus gastus generalis, de manera no prus manna de su 10% de s'agiudu entregau.

A is struturas chi ant a cunfirmari s'assuntzioni de su personali aciungidori numenau innoi apitzus, po dònna truma/setzioni, at a èssiri assegurada una amanniadura de su finanziamentu de su 10%. Totus is decraratzionis depint èssiri donadas cunforma a s'art. 47 de su Decretu de su Presidenti de sa Repùblica 28 de mes'e idas 2000, n.445 e ss. mm.

### **Art. 9 - Agiudu arreconnotu po s'interbènnida n. 8**

S'agiudu arreconnotu po cumpriri s'interbènnida n. 8 est de € 70,00 a su mesi po dònna pipiu iscritu me is struturas a sa dii de sa publicatzioni de s'avisu regionali.

### **Art. 10 - Tempus de cumpridura pos'interbènnida n. 8**

Po s'interbènnida n. 8 su finantziamentu est arreconnotu po unu màssimu de ùndixi mesis, e de dònna manera finsas a s'acabu de su dinai, cumintzendi de sa dii de su 1<sup>u</sup> de friàrgiu 2020.

### **Art. 11 - Documentatzioni po arriciri su finantziamentu po s'interbènnida n. 8**

Cussus sugetus interessaus a su finantziamentu po s'interbènnida n. 8 podint presentai dimanda a su Comunu de Sìnnia prenendi su mòlliu de dimanda (Alliongiu 1) e sa manifestada de interessamentu cunforma a s'**Alliòngiu 1 B - DIMANDA DE FINANTZIAMENTU INTERBÈNNIDA 8**: in su ricuadru 1 tocat ponni sceti sa denominatzioni de sa struttura, mentras tocat a prenni po intreu e beni is ricuadrus n 2, n 3, n 4 cumprèndia puru sa parti chi pertocat a su nùmeru de postus autorizaus e a su nùmeru de is iscritus, aciungendi, in prus totu custa documentatzioni in furmau PDF:

- alliòngiu 2 B, cunforma a sa modulistica regionali, cumpriu e firmau in dònna parti sua;
- còpia de sa carta de identidadi de su rapresentanti legali de sa struttura;
- còpia de s'autorizatzioni a su funtzionamentu de sa struttura;

Sa documentatzioni depit èssiri presentada a s'Ufitziu Aministrativu - Sotziali de su Comunu de Sìnnia aintru e no apustis de is oras 13.00 de sa dii **1 de Abrili 2021** imperendi s'indiritzu de curreu eletrònicu certificau [protocollo@pec.comune.sinnai.ca.it](mailto:protocollo@pec.comune.sinnai.ca.it)

S'ogetu de sa comunicatzioni depit amostai sa scritta "*Manifestazione d'interesse per la partecipazione all'avviso regionale 'Primi Passi' - Intervento 8*".

### **Art. 12 - Referenti Comunali e responsàbili de su procedimentu**

Su referenti de su Comunu de Sìnnia po custu avisu, cumentu puru su responsàbili de su procedimentu aministrativu imbordigau, est sa Dot.ssa Monica Piroddi, Responsàbili de su Setori Sotziali e Istruzioni Pùblica de su Comunu de Sìnnia, tel. 0707690413, e-mail [mpiroddi@comune.sinnai.ca.it](mailto:mpiroddi@comune.sinnai.ca.it)

### **Art. 13 - Tratamentu de is datus personalis**

Sa presentatzioni de una manifestada de interessamentu cunforma a custu avisu pùblicu cumandat de àiri lìgiu beni, po parti de su legali rapresentanti de sa struttura e de totus is sugetus imbordigaus de calisiat manera, sa informativa apitzus de su tratamentu de is datus personalis po su procedimentu aministrativu imbordigau, cunforma a s'art. 13 de su Regulamentu EU 2016/679.

*I.a. P.L.*

Su Responsàbili de su Setori  
*F.au Dot.ssa Monica Piroddi*